

民國叢書

第四編

• 94 •



民國叢書

第四編

· 94 ·

綜合類

春覺齋著述記

貞文先生學行記

林氏弟子表

畏廬文集

畏廬續集

畏廬三集

畏廬詩存

朱義胄述編

朱義胄述編

朱義胄述編

林紓著

林紓著

林紓著

林紓著

上海書店

自序

余恆謂詩人多恃人而不自恃不得宰相之寵則發已牢騷莫用僉父之錢則憾人鄙嗇迹其用心直以詩爲市耳乃絕意不爲詩三十以後李畬曾佛客兄弟立支社集同人詠史社稿以周辛仲爲冠然皆含悲涼激楚之音余私以爲不祥已而辛仲卒畬曾兄弟遠宦社事遂寢余亦客京師不爲詩近三十年辛亥春羅揆東集同人爲詩社社集必選名勝之地每集必請余作畫衆係以詩於是復稍稍爲之是歲九月革命軍起

皇帝讓政聞聞見見均弗適於余心因觸事成詩十年來每下愈況不知所窮蓋非亡國不止而余詩之悲涼激楚乃甚

于三十之時然幸無希寵宰相責難僉父之作惟所戀戀者
故君耳集中詩多謁陵之作譏者以余效顰顧怪近於
好名嗚呼何不諒余心之甚也顧怪謁陵之後遂不許第二
人爲之顧怪不足道譬如欲學孔孟者亦將以好名斥之邪
天下果畏人言而不敢循綱常之轍是忘己也故余自遂已
志自爲己詩不存必傳之心不求助傳之序至于分唐界宋
必謂余發源於何家瓣香於某氏均一笑置之此集畏廬之
詩也愛者聽其留惡者任其毀必如康乾之間寄託漁洋歸
愚兩先生門下助其聲光余不屑也

壬戌十月閩縣林紓識于宣南煙雲樓

畏廬詩存卷上

閩縣林 紆琴南

歲暮邯鄲道中

人間那得九還丹
往事黃梁足笑姍
行客仍然夢富貴
先生今日過邯鄲
雪光一白連荒裔
鴉點紛來赴暮寒
聞道過江山色好
道中未計歲將闌

題畫

一亭高立俯羣山
路轉蒼巖待幾灣
清曉玉童掃紅葉
偶吹餘片落人間

自寫富春釣臺

打槳桐江看客星
四更趁月過煙汀
此中猶道先生在
才入

蘆花酒便醒

畫竹自題

輦下貂蟬半苦飢一逢朱邸卽低眉先生種竹年年活儘有
山厨得筍時

溫侍御毅夫集同人訪松慈仁寺

蘭若已隨兵劫換山門故物見金松却懷前迹尋殘碣不覺
深談過晚鐘社集若關天隱相勝流何望世優容暫拋身外
無窮感聊養僧窗半日慵

喜晤鄭蘇龕同年感賦

朝士爭如夾漈奇中年踪跡惜分馳京華述舊纔知老江上
營樓早感時進說羣公徒一諾迴頭世難各安之袖中好檢

清哀筆留作西臺弔古詩

近寒食偶成

歲歲長安見柳芽已交寒食尙無花
兒孫長自他鄉慣未必清明便憶家

展亡室劉孺人遺像令璐琮璫三兒朝拜三子均側室
楊氏出也孺人所出但有珪兒今亦出宰保定矣書
示璐子

當年若母長貧死畫裏仍然未展眉
生壙早營吾少慰外家垂替鬼焉知
客中設奠甯來饗身後稱賢枉有詩
但祝阿兄多惠政焚黃親到北山時

孺人墓在北山白鶴龕

壽丁和軒

梅花影裏雪彌天知爾江樓正醉眠玩世甯無三宿戀隨緣
但取一身便偏從溷俗存幽賞竟以觀空得永年歲歲東坡
生日日祝君長作地行仙

辛亥三月十五日雨中冒鶴亭集同人於夕照寺爲巢

民先生生日雨止出遊馮益都萬柳堂歸途經有

明督師袁元素墓下作

如皋先生禮陽羨年年定惠

如皋寺

齋中元今朝稍復仿此例

主人乃卽如皋孫萬歷辛亥公生日三百年所俄朝昏老鶴
通贍得祖研直從水繪探詩源壞堂咫尺說萬柳稽撫前事
鬚眉軒野雲消歇益都襲彼此攘奪如爭墩雨餘躡屐趨廊
廡倡條四五低顏垣積陰聯畝矗孤塔野水數曲環窮村迴

思三月湘中閣垂垂萬縷搖春暄當時簪紱重遺老龔陳沈
趙恆臨存先生抑抑念勝國三十以後潛田園朱明標季政
顛倒長城先壞熊與袁梟轡東莞尤蛆酷引妖就瞑成艱屯
斷墳殘碣邇夕照同龔祀台招忠魂禮成聯轡犯泥潦暝色
咸盼城東門

陳伯潛先生招游淨業湖憩西涯彌日集者九人先生
囑余作圖紀之

春寒草未芽春盡氣猶肅蕭寺面塘水流潤上叢木陂田抵
阜盡柳勢因隄曲雖無瀟湘心頗有鏡湖淥西涯吾兩至物
候歷荷菊瀏覽初若忘沈吟忽有觸梧門近莫接况乃溯懷
麓滄趣風素高舉世禮耆宿茲鄉吾所愛掇拾入橫幅

四月十四日同陳弢庵石遺高穎生遊翠微山薄暮至

龍王堂廡下坐月

積陰鎖庭除不納門外雲暮色已潛動初疑爲游氛月光注

矢下才覺人影分長松蟠古苔老柏含微芬池魚仰泉脉

下堂

有泉深深然瀉於清池池魚數十就泉而噪

攢動撓波紋回顧池上人松氣流衫

裙靜語及道數若有山靈聞

秘魔岩見寶竹師題壁詩愴然有作

題名忽及偶齋師竟似重生再見期八口甯忘泉下痛

師二子於

庚子廬節四孫去年同以疫死

廿年猶泚壁間詩料無風概宗先輩忍對滄

桑語盛時

波庵爲余述光緒辛巳壬戌朝事甚悉

早晚商量校遺草門生也感

鬢邊絲

十五日晨起大風以肩輿跨山遊獅子窩

山鳥鳴時漏陽光開門微聞草木香僧厨吸粥趣從者腰輿
坐我猶胡床左旋右繞入深綠日黯微見雲飛揚麥田下睇
可萬尺沿山取徑遵羊腸驀然輿幔策策動雖不顛墜仍倉
皇生平未敢据人上卽虞媚嫉生謗傷翠微偶爾躡高頂取
忌風伯施權強跨危涉險聽之去輿夫剽乃逾風檣闌干宛
宛出林麓懷桷一一施丹黃沿陂雜樹亂柯幹抱山飛閣成
橋梁盛罷得息亦佳事垂楊作態歆禪房滄趣老人感前迹
三十年事悲衰涼風停茶罷雨亦止題名浣墨汗僧牆

夜坐展高嘯桐亡友遺墨愴然有作

縱我生存事大難羨君一瞑付漫漫來魂偏又楓林見酸淚

寧爲宿草乾搔首漸知雙鬢改回思還味一燈寒舊情潮上
如何遺藏却遺箋更取看

題朱古微歸鶴圖

嗜鶴非圖仙意在惜羽翰一日去乘軒道素葆則難彊村盛
詞筆金碧輝檀欒抱鶴來吳興編竹成鶴闌綠陰岸角巾莫
審爲朝官我道花塢佳靈芝被岩巒數里入修竹岩下多風
蘭以此家是鶴樂且逾澗槃老友榆園翁竹屋千琅玕水軒
飼二鶴取魚日垂竿軒敞鶴亦渺思之滋永歎所以彊村老
萬事浮雲看無瑕寧稱瑜不瑕焉指癥但抗水雲心亦不矜
黃冠我意終思越勝概推臨安請君籠鶴歸放之雙峰端

自題小畫二首

水雲醴處估帆低路入南漳萬葦齊畢竟山人愛樊榭無心
著筆亦西溪

城中簫管唱吳趨城外吟身與月俱却憶方侯爲今日扁舟
夜半出鴛湖

九月十九日南中警報急挈姬人幼子避兵天津回視
屋上垂楊尙凌秋作態慨然書壁

初聞南軍起頗疑智慮疏武昌固形勝瘠地難爲精忽失十
萬仗武庫一夕虛烽火西被蜀樓船東走吳戰聲沸漢水警
報驚燕都達官競南逝荒悖如避胡僕姬半散走家人聲咽
喁我老亦舐犢安忍聽爲俘璐子年十三文筆已清腴阿喬
亦八歲繼勒若套駒阿度方四齡盈盈玉雪膚二女尤可念

出入相抱扶焉能聚危城閫門殉老夫舍我壁間盡委我樹
中書草草挈之行曉趁津門車回戀手植柳秋態含春姿再
見當何時或不處荒墟

得長沙警報

送徒初未遣胡陳燠起居然動戰塵張楚寧符三戶識渡江
容有八千人士心已薄曾胡業兵勢遙連武漢城破竹勢成
無著手恐難完卯望甌閩

西開

長安朝露危挈孥居西開西開爲英人租界門前積潦明晝夕惟風
埃夜歸苦微茫躡步循水隈高窗黯殘燭綠垣森枯槐每訝
非故里到門屢徘徊諸兒臥縱橫燈影明絳顚而翁苦喪亂

萬念爲之灰安能語孺穉晨興已喧豗西兵曉過門風高畫
角哀託身若異域一夕數疑猜昨傳陷金陵礮轟雨花台羣
公已束手坐待南軍來

聞福州兵變悽然有作

警報劈空來留後推孫恩吾鄉素窮敝遭亂寧幸存旗防久
如丐蜷伏城東門慵竄仰餉糈象養成童昏種族辨既嚴夷
戮安忍言昔在康熙初鰲拜翻乾坤捕奴廣連坐漢產聲爲
吞旗汛人踪絕草長如荒園同光稍雜處衡宇通寒暄一唱
革命軍隣誼安復敦流血波都市縱礮頽城垣所惜無辜民
蹂躪誰見援商疲寡便家災酷無完村一旦罹兵革挈孥恣
崩奔吾家居蒼洲流水環楹軒亡弟遺二女長者已許婚未

能取之來懸盼心如剗長夜坐不眠瞬息升朝暾

辛亥九月二十七日余六十初度仍居西開賦此自嘲
吾年五十客杭州甲子于今已一周兩度逢辛皆遇亂舉家
爲壽若忘憂不才無可編生傳多難居然及白頭滿眼烽煙
腰脚健尙堪秋望屢登樓

入都至故宅

憶從辛丑來孔道蟠羣狼百夫競行李千錢負一囊端門集

外兵曹署空諸郎所賴京尹賢

陳玉蒼同書方爲京尹爲余
購家具儲米炭盛意至今耿耿

然爲余安琴裝匆匆十一年戎馬復蒼黃避地豈長策感時
思舊創稍歸挈殘書風物逾荒涼野水漸成冰林葉新耀霜
道少衣冠人翻疑非帝鄉戚屬遷徙盡空宅留斜陽吾軒竟

月閉凝塵黯東房家具擲零星觸目皆愴傷惟餘小黃耳戀
主神飛揚投肉與汝別明日仍殊方

辛亥十月十六日感事

宗輔初將責地承臣民洗眼望中興忽傳璽綬收昌邑從此
危疑甚竟陵儘有人將時政議從無才足國屯勝景皇志
事終難就可亦廻思戊戌曾

不眠

不眠中夜起無計振時艱冰氣寒逾雪樓峯暗似山琴書屏
人外天地在兵間累月儘無事吾心未覺閒

辛亥除夕

尺壤仍留祖臘名舉家循例坐平明江南已是花朝後

爲本月
新